

Freskagarri
Naturala!



SAIZAR
Sagardoa • Sidra Natural

www.sidrassaizar.com



Betiko Sagardoa



Sagarberitu proiektuaren aurkezpena, Sagardoetxean. NOAUA!

SAGARDO BOTILEN BERRERABILTZE SUSTATZEN

Ekonomia zirkularrean oinarrituta, Sagarberitu proiektu pilotua jarri da martxan sagardo botilak berrerabiltzeko.

Sagarberitu proiektu pilotua ekonomia zirkularrean oinarrituta dago. Sagardo botilak jasotzeko, garbitzeko eta berrerabiltzeko sistema iraunkor bati bideragarritasuna ematea da asmoa: tekniko, ingurumenari dagokiona, soziala eta ekonomikoa.

Ekonomia zirkularrean ardatz nagusia garapen iraunkorra da, eta produktuen, zerbitzuen, hondakinen, materialen, uraren eta energiaren bizi zikloa ixtean oinarrituta dago. Beirazko sagardo botilak berrerabiltzea, botila bakoitzaren iraupena luzatu nahi da, eta erabilitako produktua berri ere lehengai bilakatzea lortu nahi da.

Sagarberitu proiektua azaroaren 19an aurkeztu zuten. Astigarragako Sagardoetxean. Beterri-Buruntzako lehendakari Mari Jose Izagirrek, Euskal Sagardoa Federazioko zuzendari Unai Agirrek, Gipuzkoako Sagardogile Elkarteke zuzendari Olatz Mitxelena, San Markos Mankomuni-

tateko lehendakari Mikel Pagolak eta Beterri Errotuz laneratze enpresako koordinatzaile Ramon Elorzek parte hartu zuten aurkezpen ekitaldian.

HELBURU SOZIALA

Sagarberitu proiektuak hasieratik helburu sozial nabarmena izan duela azaldu zuten. Izan ere, sagardo botilak biltzeko lanpostu premia berriak sortu dira. Sartu Erroak laneratze enpresa eta Beterri-Buruntzako udalen lan hitzarmen bitartez, Beterri Errotuz laneratze enpresa sortu da, eta enpresa hori ari da proiektua kudeatzen. Irabazi asmorik gabeko sozietate bat da, eta pertsonen orientazioa, prestakuntza eta laneratzea sustatzea da haren helburua.

Astigarraga, Andoain, Hernani, Lasarte-Oria, Urmieta eta Usurbil herrietakoak dira Beterri-Buruntzako udalak. Eskualdean berrogei sagardotegi daude. 2018an egindako ikerketan oinarrituta, urte hartan 1.842.553 botila ekotzi zituzten, eta horien %22 ez ziren berrerabili.

Beterri-Buruntza eskualdeko sektore estrategikoetako bat da sagardogintza industria; proiektuaren bidez, indartu eta balioetsi egin nahi da. Norik bere burua aski izatean oinarritutako sistema iraunkorrago bat lortzeko, beirazko botilak gertuen dauden instalazio egokietan tratatzeko, hondakin kopurua jaitsi eta energia kontsumoa murrizteko eta garraioetako CO₂-a jaisteko. Esperientzia bestelako egitasmo eta testuinguru geografiko eta ekonomikoetara transferitu nahi da.

Gipuzkoako Foru Aldundiko Ingurumen sailak diruz lagundu du Sagarberitu proiektua, eta Gipuzkoako Sagardo Elkarte eta Euskal Sagardoaren baitako entitateak dira sustatzaile nagusiak. Halaber, proiektuan parte hartu dute San Marko Mankomunitateak eta Tolosako Mankomunitateak, beren garbiguneetan sagardo botilak jasotzeko gune berezituak atondu baitzituzte. Sagardotegiez gain, herritarrek ere aukera dute beren botilak garbiguneetara eramateko eta berrerabiltze zikloan parte hartzeko.